

ՄԱՂԹԱՆՔ ՀԱՅՐԱՊԵՏԱԿԱՆ

Ի ՍԱՀՄԱՆՍ ԿԱԹՈՂԻԿՈՍՈՒԹԵԱՆ

ՄԵԾԻ ՏԱՆՆ ԿԻԼԻԿԻՈՅ



ՏՊԱՐԱՆ ԳՊՐԵՎԱՆՈՒՑ

ԿԱԹՈՂԻԿՈՍՈՒԹԵԱՆ ԿԻԼԻԿԻՈՅ

ԱՆԹԻԼԻԱՍ - ԼԻԲԱՆԱՆ

1933

281.6

4.59

04 NOV 2009

281.6
4-59

ՄԱՂԹԱՆՔ ՀԱՅՐԱՊԵՏԱԿԱՆ

Ի ՍԱՀՄԱՆՍ ԿԱԹՈՂԻԿՈՍՈՒԹԵԱՆ

ՄԵԾԻ ՏԱՆՆ ԿԻԼԻԿԻՈՅ



ՏՊԱՐԱՆ ԴՊՐԵՎԱՆՈՒՅ

ԿԱԹՈՂԻԿՈՍՈՒԹԵԱՆ ԿԻԼԻԿԻՈՅ

ԱՆԹԻԼԻԱՍ - ԼԻԲԱՆՆ

1933

Հ Ի Պ Հ Ա Ն Գ

Կաթողիկոսութեանն թեմական բոլոր
եկեղեցիներու մէջ պէտք է պահուի քանի
մը օրինակ այս ՀԱՅՐԱՊԵՏԱԿԱՆ ՄԱՂ-
ԹԱՆՔԻՆ:

Իսկ տարուան ընթացքին ՀԱՅՐԱՊԵՏԱ-
ԿԱՆ ՄԱՂԹԱՆՔ երեք անգամ կը կատա-
րուի Կաթողիկոսութեանն բոլոր թեմական
եկեղեցիներուն մէջ:

Ա.— Վեհ. Սահակ Ա. Հայրապետի ա-
նուանսօսինն, այսինքն «Ի Տօնի Սրբոյն
Իսահակայ Պարթեւի Հայրապետին»:

Բ.— Ս. Գ. Լուսաւորչի վիրապետաւոր
սօսինն, Մեծ Պահոց Ե.րդ եօթնեակին շա-
քար օրը, որ ՈՒՆԻՏԻ ՕՐՆ է Անթիլիասի
Կաթողիկոսարանին:

Գ.— Ապրիլ 26-ի ամենէն մօտիկ Կիրա-
կին: — 1931 Ապրիլ 26, տարեպարտ օձ-
ման Տ. Բարգէն Ա. Կաթողիկոսին:

Այս մատյանը Հայրապետական կարգեցու ի Տ. Բաբգևն Կարողիկոս, եւ գառաջինն կատարեցու ի տօնախմբութեան Երեսներոց ամի Կարողիկոսութեանն Տ. Սահակայ Բ., ի 1933 եւ ի 18 Յունիսի յաւուր Կիււակիէ, ի տօնի Կարողիկէ Եկեղեցոյ Էջմիածնի, յաւարտ Սրբոյ Պատարագի, ի Սրբոց Թարգմանչաց Եկեղեցոյն Կարողիկոսարանիս, որ յԱնթիլիաս Լիբանանու:



63974-67

ՄԱՂԹԱՆՔ ՀԱՅՐԱՊԵՏԱԿԱՆ

ԽՐԱՏ.– Յորժամ կամիցին կատարել Մաղթանք Հայրապետական, այս լիցի կանոն: Ամենեւեան երանեն յասեան Եկեղեցոյ, իւրաքանչիւր զգեցեալ ըստ իւրում աստիճանի եւ կարգի, խնկով եւ մոկեղիմով, եւ ամենայն Եկեղեցի ջանաւորեալ: Հանդիսադիրն ասէ Հայր Մեր:

Վ Ա Մ Ա Մ Ո Ւ Տ

Զխաղաղութիւնն Հնորեա Եկեղեցոյ քում սրբոյ, զխաղաղութիւնն եւ զանշարժութիւնն ի թշնամեաց պատերազմէ. եւ հաստատեա ի մի հաւատա զկաթողիկէ Եկեղեցի. զքեզ խոստովանիմք Տէր եւ Աստուած, իւրոյ՛ զմեզ:

Ա Ղ Օ Թ Ք

Հայր ամենակալ, արարիչ տիեզերաց, եկեալ եմք առաջի քո ի տեղւոյն սրբութեան, մատուցանել քեզ պաղատանս, զի հեղցես ի սիրտս մեր զհնորնս սղորմութեան քո, եւ լուսաւորեսցես զհոգիս մեր սրբութեամբ, եւ զօրացուցես զխորհուրդս մտաց մերոց արգարութեամբ:

Էյո՛ զմեզ, Տէր, ի ժամուս յայտմիկ Հնորեք եւ ի մատուցեամբ, եւ զգեցո՛ զմեզ զինու առաքինութեան զամենայն ժամանակս կենաց մերոց՝ լինել հաւատարիմ թարգմանիչս աստուածային կամաց քոց:

Զօրացո՛, Տէր, զեկեղեցի քո սուրբ, լրութեամբ ամենայն հաւատացելոց, որ ժողովեալ յայտմ պահու, միախորհուրդ եւ միաբան առնեն աղօթս վասն հաստատութեան սրբոյ Եկեղեցոյս եւ պայծառութեան Տանս, եւս առաւել յաղագս առողջութեան կենաց Սրբազան Հայրապետին մերոյ եւ Գահակալին Աթոռոյս Մեծի Տանն Կիլիկիոյ Տեառն Կաթողիկոսի, եւ

և ք ք ք ք

ցոյց նմա զառաւելութիւն մեծութեան քաղցրութեան քո, որպէս ցուցեր Առաքելոյն Պողոսի, անօթ ընտրութեան առնելով զնա ի ձեռս քո, զի մեծարեալ պատուեսցի ի քէն և զու փառաւոր արասցես զնա փառօք քով ի մէջ եկեղեցւոյս և առաջի ալլոց ազգաց և ազանց, արժանաւոր ծառայութեամբ կատարելով զկամս քո, ի շինութիւն ժողովրդեանդ, ի հաստատութիւն Ուխտին Կաթողիկոսական Աթոռոյս, անսայթաք կենօք, առաքինի առաջնորդութեամբ, անթառամ բերկրանօք, ի փառս և ի պատիւ Ամենասուրբ Երրորդութեանդ, այժմ և միշտ և յաւիտեանս յաւիտենից Ամէն:

ԵՒ ԱՍԵՆ ՓՈԽ (ՍԱՂՄՈՅ Կ. 2-7)

Լուր, Աստուած, աղօթից իմոց, և նայեաց, Տէր, յաղօթս իմ:

Ի ծագաց երկրէ կարգացի առ քեզ, մինչ ի վաստակել սրտի իմոյ:

Ի վիմէ բարձր արարեր զիս, առաջնորդեցեր ինձ, և եզեր իմ յոյս, և աշտարակ հզօր եղեր ինձ յերեսաց թշնամւոյն:

Բնակեցայց ես ի յարկս քո յաւիտեան, և ծաղկեցայց ընդ հովանեաւ թեոց քոց:

Դու, Աստուած, լուար աղօթից իմոց, ետուր ժառանգութիւն՝ ոչք երկնչին յանուանէ քումմէ:

ՍԱՂՄՈՅ ԶԳ.

Ո՛րպէս սիրելի են յարկք քո, Տէր զօրութեանց:

Յանկայ և փափաքէ անձն իմ ի գաւիթս քո. սիրտ իմ և մարմին իմ ցնձասցեն առ Աստուած կենդանի:

Երանի՛ ամենեցուն որ բնակեալ են ի տան Տեառն, յաւիտեանս յաւիտենից օրհնեսցեն զքեզ:

Վասն զի լաւ է ինձ մի օր ի գաւիթս քո, քան զհազարս:

Տէր Աստուած զօրութեանց, երանեալ է այր որ յուսայ ի քեզ:

ՇԱՐԱԿԱՆ ԳԶ.

Ուրախ լիւ սուրբ եկեղեցի, քան զի Քրիստոս արեայն երկնից այսօր պսակեաց զեզ խաչիւն իւրով, և զարդարեաց զամուրքս քո սքանչելի փառօքն իւրով:

Երեզա յոյժ դուսր Սիովնի, քանզի երկիրս երկինք եղեն այսօր վերսին քո նորոգմամբ, և քաղաւորն երկնաւոր հանեցաւ բնակել ի քեզ:

Ընդ դասս երկնաւոր զօրացքն վեր առեալ տօնեմք զանդադար փառասրուքիւնս, ուրախ լիւ հարսն անարաս անցնին քո խորհրդով:

Ալեյուիա ալեյուիա

Քանանայք քո զգեցին զարդարութիւն և սուրբ քո ցնձարով ցնձացեն:

Ընթերցուածս յԵսայեայ Մարգարէէ (ԿՍ. 1-7):

Հոգի Տեառն ի վերայ իմ, վասն որոյ և օժ խակ զիս, աւետարանել աղքատաց առաքեաց զիս, բժշկել զբեկեալս սրտիւք, քարոզել զերեսաց զթողութիւն և կուրաց տեսանել:

Կոչել ամ Տեառն ընդունելի և օր հատուցման Աստուծոյ մերոյ, մխիթարել զամենայն սղաւորս:

Տալ սղաւորաց Սիրնի փառս. փոխանակ մոխրոյն՝ օծումն ուրախութեան, և սղաւորացն հանդերձ փառաց՝ փոխանակ ոգւոյն վհատութեան:

Եւ կոչեսցին նոքա ազգք ազգք արդարութեան, տունկ Տեառն ի փառս:

Եւ շինեսցեն զաւերական յաւիտենից, և զյառաջագոյն աւերեալսն կանգնեսցեն, և նորոգեսցեն զքաղաքս աւերեալս ազգաց մինչև յազգս:

Եւ եկեսցեն օտարածինք՝ հովիւք խաչանց քոց, և այլազգիք՝ մաճակալք և այգեգործք քո:

Բայց զուք՝ քահանայք Տեառն կոչեսլիք, պաշտօնեայք Աստուծոյ մերոյ անուանեսլիք, զգօրութիւն ազգաց կերիշիք, և մեծութեամբ նոցա սքանչելի լինիշիք:

Փոխանակ ամօթոյ ձերոյ կրկին ուրախութիւն, և փոխանակ անարգանաց ձերոց ցնծութիւն, և ապա զերկիրն յերկրորդում ժառանգեսցեն, և ուրախութիւն յաւիտենից ի վերայ գլխոց նոցա:

Պօղոսի Առաքելոյն յԵբրայեցոց քորոյն է ընթերցուածս (Է. 23-28):

Եւ բաղում են կացեալ քահանայք վասն մահուարգել լինելոյ ի մշտնջենաւորել:

Իսկ սա վասն յաւիտեան կալոյ՝ առանց անցանելոյ ունի զքահանայութիւնն:

Ուստի և կենդանի առնել համօրէն կարող է զմատուցեալսն նովաւ առ Աստուած. քանզի միշտ կենդանի է լինել բարեխօս վասն նոցա:

Զի աշպիտի իսկ և վայել էր մեզ քահանայապետ, սուրբ, անմեղ, անարատ, զատեալ ի մեղաւորաց և բարձրացեալ քան զերկինս:

Որում ոչ հանապաղ հարկ է, որպէս այլոց քահանայապետիցն, նախ վասն իւրեանց մեղացն պատարագս մատուցանել և ապա վասն ժողովրդեանն. իսկ սա զայն միանգամայն կատարեաց, զի զանձն իւր մատոյց պատարագ:

Օրէնքն զմարդիկ կացուցանեն քահանայապետս, զգածեալս տկարութեամբ, իսկ բանն երդման յետ օրինացն՝ զՈրդի, որ յաւիտեան կատարեալ է:

Ալեյուիա ալեյուիա

Դու ես քանանայ յաւիտեան ըստ կարգին Մեկիսեդեկի եւ Տէր ընդ այլնէ քոսմէ:

Օրքի, եւայլն:

Մերոյ Աւետարանիս Յիսուսի Քրիստոսի որ ըստ Յովհաննու (Փ.11-16):

Ես եմ հովիւն քաջ. հովիւ քաջ զանձն իւր զնէ ի վերայ ոչխարաց:

Իսկ վարձկանն որ ոչ է հովիւ, որոյ ոչ իւր են ոչխարքն, իբրև տեսանէ զգալն զի գայ, թողու զոչխարսն և փախչի. և գալն յափշտակէ զնոսս և ցրուէ:

Քանզի վարձկան է և չէ փոյթ նմա վասն ոչխարացն:

Ես եմ հովիւն քաջ, և ճանաչեմ զիման և ճանաչեմ յիմոցն:

Որպէս գիտէ զիս Հայր, գիտեմ և ես զՀայր. և զանձն իմ գնեմ ի վերայ ոչխարաց:

Նաև այլ ես ոչխարք են իմ որ ոչ են յայսմ գաւթէ, և զայնս ես պարտ է ինձ ամել այսր, և ձայնի իմում լուիցեն, և եղիցին մի հօտ և մի հովիւ:

Ք Ա Ր Ո Ջ

Եւ եւս խաղաղութեան . . . :

Տէր ոչորմեա.

Վասն խաղաղութեան ամենայն աշխարհի եւ հասարակեան մերոյ եկեղեցոյ, զՏէր աղաչեսցու:

Վասն ամենայն սուրբ եւ ուղղափառ եպիսկոպոսաց, զՏէր աղաչեսցու:

Վասն Հայրապետին մերոյ Տեառն Սահակայ եւ Արուսակցի նորին Տեառն Բաբգէնի Կարգիկոսին կենաց, զՏէր աղաչեսցու:

Վասն վարդապետաց, քահանայից, սարկաւազաց, դպրաց եւ ամենայն ուխտի մանկանց եւ սպասաւորաց Սրբոյ Եկեղեցոյս, զՏէր աղաչեսցուք:

Վասն բարօրութեան ազգիս Հայոց, զՏէր աղաչեսցուք:

Յաղագս այնոսիկ որ ի գերութեան են եւ ի չար ծառայութեան, զՏէր աղաչեսցուք:

Յաղագս բարեկարգութեան եւ հաստատութեան Հայ-րապետական Արուոյս Կիլիկիոյ, զՏէր աղաչեսցուք:

Եւ եւս միաբան: Զանձինս: Ողորմեաց:

Տէր ողորմեա, Տէր ողորմեա, Տէր ողորմեա:

Ա. Ղ. Օ. Թ. Ք.

Փա՛ռք եւ գոհութիւն քեզ, Հայր երկնաւոր, որ պահեցեր զեկեղեցի քո սուրբ Հայաստանեայց յխապառ կործանմանէ եւ առաջնորդեցեր փոքու հօտին քում եւ ամէր զնա յերկիր խաղաղութեան, եւ շնորհեցեր նմա զեկեղեցի քո անքոյթ նաւահանգիստ ի ծովածով կենցաղս աշխարհիս այսորիկ, զի կեցցէ գործել զբարիս, վասն փառաց Սրբոյ Աւետարանին, հայակրօն վարուք եւ հայրենաւանդ սրբութեամբ եւ սովորութեամբք:

Գոհանամք զքէն զի ոչ թողեր զեկեղեցի հաւատացելոց Սրբոյ Աւետարանիդ ի ձեռս թշնամեաց եւ պաշտպանեցեր Սրբոյ Աթոռոյս, եւ ընդ սուր եւ ընդ հուր եւ ընդ ջուր հանեալ հասուցեր աստ յերկիր անդորր զհաւատացեալ ժողովուրդն Մայրենի Եկեղեցոյս:

Յիշեմք զաւուրս մեր զառաջինս լցեալս օրհնութեամբ քով, յորժամ ոչ իւք կարօտեալ, վայելէաք ի բարութիւնս հայրենիս. տունք մեր եւ յարկք յարդարեալ, զպրօջք մեր բարեկարգ եւ կանոնաւոր, ազարակք մեր եւ այգեստանք արդեամբք առատացեալ,

չուկայք մեր եւ տեղիք վաճառաց եւ հրապարակք առեարոց մեծացեալ ձոխութեամբք, Եկեղեցիք մեր պայծառացեալ, եւ հօտ քո փոքր աներկիւղ ի չարէ եւ ի չարեաց:

Բայց մեք այգն եւ նախատինք եղաք թշնամեաց Աւետարանիդ եւ փրկական սուրբ խաչիդ: Զի նոքա գերեցին գերեփեցին զմեզ, հալածեցին եւ սպանին ըզբիւրս բիւրոց հաւատացելոց անձանց, ապականեցին զհայրատունի այգիդ, մեռուցին զմշակսն, անժառանգ արարին զհայրենի կալուածս եւ զստացուածս մեր, եւ զրկեալ յամենայնէ այս ժողովուրդ քո սեփական եւ հօտն փոքրիկ ոչ կորոյս զյոյս իւր, եւ ոչ ուրացաւ զուխտն իւր սրբութեանս:

Զայս ամենայն տեսաք մեք աչօք մերովք, եւ ոչ գաղարեցաք օրհնել զանբաւելի եւ զամենագոր մեծութիւն քո, Հզօր:

Արդ աղաչեմք զքեզ ձայն արկեալ ընդ երանեալ մարգարէին Երեմեայ. Յիշեա՛ Տէր որ ինչ անցք անցին ընդ մեզ. նայեաց եւ տես զնախատինս մեր, զի ժառանգութիւն մեր դարձաւ յօտարութիւն եւ բնակութիւն մեր ի նօգեհութիւն. հալածական եղեաք եւ ոչ գտաք հանգիստ: Օտարք տիրեցին մեզ, եւ այն որ փրկէին զմեզ ի ձեռաց նոցա՝ չի՛ք ի միջի. մորթք մեր կարկամեցան, զկանայս խայտառակեցին եւ կուսանս պղծեցին, ընտիր ընտիրքն խողխողեցան անարգութեամբ. լքան յուրախութենէ սիրտք մեր եւ ի սուգ դարձան օրհնութիւնք պարուց մերոց. եւ անկաւ պսակն ի գլխոց մերոց. վա՛յ մեզ, վա՛յ մեզ, զի մեղաք: Եւ դու Տէր, յաւիտեան կաս, ընդէ՛ր մոռացար զմեզ:

Դարձո՛ զմեզ, Տէր, եւ դարձցուք:

Նորոգեա՛լ զմեզ, Տէր, և նորոգեսցուք առաւել քան զաւուրս զառաջինս, և փառաւորեսցուք զՔեզ ընդ Սրբոյ և ընդ Սրբոյ Հոգւոյն աշխատ և միշտ եւ յաւիտեանս յաւիտենից. Ամէն:

Խաղալուքիւն ամենեցուն:

Արդ, աղաչեմք զքեզ Տէր, արժանացո՛ւ զմեզ տեսանել վերստին զգործս ձեռաց մերոց, ծաղկեալ և բարգաւաճեալ և հաստատեալ:

Պաշտաւացո՛ւ զեկեղեցի քո սուրբ ընդ ամենայն ծագս աշխարհիս, պարտեալ խաղաղութեամբ ի ներքոյ և յարտաքոյ:

Ամբացո՛ւ ևս առաւել զեկեղեցի քո Հայաստանեայց լուսաւոր հաւատովք, հաստատեալ ի վերայ հիման Առաքելոցն Թադէոսի և Բարթողիմէոսի, և բարեկարգեալ ըստ լուսադործ Լուսաւորչին մերոյ Գրիգորի վարդապետութեանն, և ըստ հոգեհորոզ և լուսածընունդ ուղղութեան լուսամիտ հարցն մերոց Սահակայ և Մեսրոպայ, և ալլոց ամենայն լուսերամ նահատակաց և շնորհաշունչ ուղղափառ վարդապետաց և քաջ ախոյնից Սրբոյ Եկեղեցւոյս Հայաստանեայց, և պատսպարեա՛լ զնա սղորմութեամբ քով, զի մի՛ կարացեն քակել զցանկ նորա ցլոք անապատի եւ խոզք անտառի եւ օձտել զմանկունս հայրատունկ այգւոյդ:

Աղաչեմք զքեզ, Տէր, լե՛ր զօրավիգն եւ առաջնորդ առաջնորդացն Եկեղեցւոյ քո սրբոյ, որպէս զի նմանեալ քաջի հովուին Աւետարանիդ, կարացեն զնել զանձինս իւրեանց ի վերայ բանաւոր հօտին քո փոքու, վառեալ զինու արգարութեան, լցեալ սիրով զթութեան եւ առաւելեալ ամենայն իմաստութեամբ ի հոգեւորս եւ ի մարմնաւորս, ի սպասաւորութեան Եկեղեցւոյս:

Շնորհեա՛լ, Տէր, հոգի սրբութեան եւ զգաստութեան ամենայն քահանայից, վարդապետաց Եկեղեցւոյս Հայաստանեայց, զի ազգեալ յաստուածալին ի շնչոյդ, ելցեն ի լեառն սուրբ լուսաւոր խորանիդ, եւ լուսաւորեսցեն զմիտս ունկնդիր հաւատացելոց՝ զօրութեամբ բանին կենաց եւ լուսով գիտութեան, եւ զօրացուցեն զլքեալ սիրտս եւ զկլթուցեալ ծունկս ժողովրդեան, և հաստատեսցեն զնոսա ի կեանս աստուածապաշտութեան եւ ի հրահանգս ուղղափառութեան Եկեղեցւոյս Հայաստանեայց:

Օգնեա՛լ, Տէր Աստուած մեր, եւ ժողովրդեան քում, լուսաւոր պահելով զաչս մտաց նորա, եւ փրկեա՛ զնա ի պէս պէս մոլորութեանց եւ յորդաշիջ օտարաց, որպէս զի կեցցեն հաւատովք հարցն իւրեանց հարազատաց, սրով կեցին նոքա ի սկզբանէ հաստատութեան Առաքելական Եկեղեցւոյս եւ եղիցին հաւատարիմ Մայրենի Եկեղեցւոյն իւրեանց, առանց խտտորելոյ յաջ եւ յահեակ, հրապուրեալ ի խայծից եւ ի խայթից մոլորեցուցչացն:

Տէ՛ր, լցո՛ւ զպէտս կարեաց ժողովրդեան քո, զի մի՛ իւրք կարօտեալ իցեն ալլոց օտարաց, եւ ցնծութեամբ սրտի եւ հաճութեամբ հոգւոյ սիրեսցեն զԱստուած հարցն իւրեանց, փայլեալ ամենայն վայելչութեամբք աշխարհիս, առատացեալ բոլորիւք բարութեամբք, եւ անկարօտ ալլոց, ելեւելս զմիմեամբք արասցեն ի բարեգործութիւնս:

Ազատեա՛լ, Տէր, զգերեալսն ժողովրդեան քո ի կապից տանջանաց եւ զրկանաց:

Այց արա՛ որք ի բանտս եւ ի տառապանս իցեն:

Բժշկեա՛ զհիւանդութիւնս նոցա հոգւոյ և մարմնոյ:

Առաջնորդեա՛ մուրեկոցն յուզիլ զնացից :

Իմաստնացո՛ զուսուցիչս զպրատանց մերոց :

Լցո՛ շնորհօք սուրբ հոգւոյդ զուսանողս եւ զամե-
նայն աշակերտեալս զպրութեան եւ զխտութեան :

Պարսպեալ պահեա զգործողս եւ զգրողս Ազգիս Հա-
յոց՝ զխտութեամբ , խոհականութեամբ , արդարութեամբ
եւ ոգւով ճշմարտութեան :

Պահեա՛ , Տէր , զԿաթողիկոսական եւ զՊատրիարքա-
կան աթոռս հոգւոր իշխանութեան Հայաստանեայց ե-
կեղեցւոյ , ի Ս . Էջմիածին , յերուսողէմ եւ ի Կ . Պու-
լիս , օրհնելով զգահակալս նոցա , զի կեցցեն առող-
ջութեամբ հոգւոյ եւ մարմնոյ եւ կատարեսցեն զպարտոս
պաշտաման իւրեանց :

Օրհնեա՛ , Տէր , եւ պահպանեա զՀանրապետութիւնն
Հայաստան աշխարհի , բարւոք ուղղութեամբ :

Եւս առաւել ազաչեմք զքեզ , Տէր , վասն Հայրա-
պետին մերոյ Տեառն Սահակայ Բ . Կաթողիկոսին կե-
նաց , որ իբրև հաւատարիմ մշակ հայրատունկ այգ-
ւոյդ , ընդ լծով կաթողիկոսական պարտեաց , բարձեալ
բերէ զծանրութիւն վաստակոց պաշտաման երեսուն ա-
մաց եւ գտօթն անբերելի դառնագին աւուրց ի միջի
ժողովրդեան իւրում , հաղորդակից եւ վկայ չարչարա-
նաց եւ հալածանաց նորին :

Օրհնեա՛ , Հայր Ամենակալ , զՀայրապետին մերոյ
Տեառն Սահակայ զաւուրս կենաց եւ մխիթարեա զնա ի
ծերութեան իւրում , առողջութեամբ հոգւոյ եւ մար-
մնոյ , զի կեցցէ փառաւորեալ յամենեցունց , ի պատիւ
անուան քո եւ ի պարձանս Աթոռոյս :

Եւ յամենայնի ուղղեա՛ զգնացս մեր ըստ հաճոյից
աստուածային կամաց քոց , որպէս զի բաւական լի-

ցուք կատարել զկամս քո սուրբ եւ առնել զոր ինչ
պարտն է , ըստ առակի անպիտան ծառայիցն , վասն
բարեկարգութեան , շինութեան եւ հաստատութեան
Աթոռոյս , օրհնելով զքեզ , եւ փառաւորելով զամե-
նասուրբ տէրութիւնն Հօրդ ամենակալի եւ Որդւոյն
Միածնի եւ Սրբոյ Հոգւոյն . Ամէն :

ՇԱՐԱԿԱՆ ԳԿ.

Էջ Միածինն ի Հօրե	Տեսեալ ըզոյս մեծ
Եւ լոյս փառաց ընդ նա.	Հայրապետին Գրիգորի.
Չայնք հրկշեցին	Պասմեք ցրնձութեամբ
Սանդարամեմք անդրնոց :	Հաւասացեալ արքայի :

Եկայք շինեսցուք
Սուրբ ըզխորանքն լուսոյ .
Քանզի ի՛ տա ծագեաց մեզ լոյս
Ի Հայաստան աշխարհի :

Փոյս (Սլմ. ԿՁ.) Աստուած , սպրմեա մեզ եւ օրհնեա զմեզ ,
երեսցո զերեսս քո ի մեզ եւ ողորմեա մեզ :

Ճանաչել յերկրի զճանապարհս քո , յազինս ամենայն ըզ
փրկութիւնս քո :

Խոստովան եղիցին առ քեզ ժողովուրդք , Աստուած ,
խոստովան եղիցին առ քեզ ժողովուրդք ամենայն :

Ուրախ եղիցին եւ ցնձացեն աղինք , զի զու գատիս ըզ
ժողովուրդս յուղղութիւն , եւ սպգաց երկրի զու առաջնոր-
դես :

Խոստովան եղիցին առ քեզ ժողովուրդք , Աստուած , գո-
հացեն զքէն ժողովուրդք ամենայն :

Երկիր եա զպտուղ իւր , եւ օրհնեաց զմեզ Աստուած , Աս-
տուած մեր :

Աստուած մեր օրհնեացէ զմեզ , եւ ի նմանէ երկիցեն ամե-
նայն ծագք երկրի :

Պօղոսի Առաքելոյն ի Կորնթացոց Առաջին թղթոյն է ընթերցուածս. (ԺԲ. 4-11)

Թէպէտ եւ բաժինք չնորհաց են , այլ Հոգի նոյն է :
Եթէ բաժինք պաշտամանց են , այլ Տէր նոյն է :
Եթէ բաժինք յաջողութեանց են , այլ Աստուած
նոյն է որ յաջողէ զամենայն յամենայնի :

Բայց իւրաքանչիւր ումեք տուեալ է յայտնութիւն
Հոգւոյն առ իւրաքանչիւր օգուտ .

Ումեմն ի Հոգւոյն տուեալ է բան իմաստութեան .

Այլում՝ բան գիտութեան ըստ նմին Հոգւոյ .

Միւսումն հաւատք՝ նովին հոգւով .

Այլում՝ յաջողութիւն զօրութեանց .

Այլում՝ մարգարէութիւն .

Այլում՝ ընտրութիւն հոգւոց .

Այլում՝ ազգք լեզուաց :

Այլ զայս ամենայն յաջողէ միեւնոյն Հոգի , եւ
բաժանէ իւրաքանչիւր որպէս եւ կամի :

Ալիլուիալ ալիլուիա . (Մաթ. ԺԷ. 33)

Ասուած , որ զգեցուցեք ինձ զօրութիւն եւ եղիբ յամբոստանս
զնանապարհս իմ :

Օրթի , եւ այլն :

**Սրբոյ Աւետարանի Յիսուսի Քրիստոսի որ ըստ
Մատթէոսի (Ե. 3-16):**

Տէրն մեր Յիսուս Քրիստոս ասէ .

Երանի՛ աղքատաց հոգւով , զի նոցա է արքայու-
թիւն երկնից :

Երանի՛ սգաւորաց , զի նոքա մխիթարեսցին .

Երանի՛ հեզոց , զի նոքա ժառանգեսցեն զերկիր :

Երանի՛ որ քաղցեալ եւ ծարաւի լցեն արգարու-
թեան , զի նոքա յագեսցին .

Երանի՛ սղորմածաց , զի նոքա ողորմութիւն գտցեն .

Երանի՛ այնոցիկ , որ սուրբ են սրտիւք , զի զԱս-
տուած տեսցեն .

Երանի՛ խաղաղարարաց , զի նոքա որդիք Աստուծոյ
կոչեսցին .

Երանի՛ որ հալածեալ լցեն վասն արգարութեան ,
զի նոցա է արքայութիւն երկնից .

Երանի՛ է ձեզ յորժամ նախատիցեն զձեզ եւ հալա-
ծեսցեն եւ ասիցեն զամենայն բան չար զձէնջ սուտ
վասն իմ .

Յնձացէք եւ ուրախուերուք , զի վարձք ձեր բա-
զում են յերկինս . զի այսպէս հալածեցին զմարգարէսն
որ յառաջ քան զձեզ էին :

Դուք էք ազ երկրի . ապա թէ աղն անհամի , ի՞նչ
յաղկիցի . ոչ իմիք ազդիցէ այնուհետեւ , բայց եթէ
ընկենուլ արտաքս եւ կոխան լինել ի մարգկանէ :

Դուք էք լոյս աշխարհի .

Ոչ կարէ քաղաք թաքչել որ ի վերայ լերին կայցէ :

Եւ ոչ լուցանեն ճրագ են դենն ընդ գրուանաւ ,
այլ ի վերայ աշտանակի . եւ լոյս տայ ամենեցուն որ
ի տանն իցեն .

Այնպէս լուսաւորեսցէ լոյս ձեր առաջի մարդկան ,
որպէս զի տեսցեն զգործս ձեր բարիս , եւ փառաւո-
րեսցեն զՀայր ձեր , որ յերկինս է :

Շ Ա Ր Ա Կ Ա Ն Գ Չ.

Թագաւոր փառաց Ասուած հոգիդ կենդանարար, ի շնորհաբաւելս աւուր մեծի ծնընդեան Մարիամու, դասեր Դաւթի բագաւորի, նորոգեա զկենդանութիւն մերոյ բագաւորին, զի օրհնեսցուք ըզքեզ սեր այժմ եւ յախտեան:

Այլբիւր կենաց եւ փրկութեան մերոյ հոգի հօր եւ որդւոյ, ի յարմասոյն Յեսսեայ բրդլիման գաւազանի հասեալ ժամու, շնորհազարդ պայծառացո զգաւազան իշխանութեան մերոյ Հայրապետին. զի օրհնեսցուք . . . :

Լրումն աւխարհի եւ նառագայք իմանալի Հոգի Սուրբ Ասուծոյ, ի ցրնծութեան աւուր լրման ուրախութեան Յովակիմայ եւ Աննայի, աշօքիւք սոցա լցո զպէքս կարեաց Հայաստանեաց Եկեղեցւոյ. զի օրհնեսցուք . . . :

(Պարս է աստանօր հակիրն եւ յասակ բանիւք խօսել զառուրն պատանութենէ եւ զԱրքուոյն եւ զԱրքուակոյլէն, եւ յորդորել զհաւասարեալս սիրել զՄարտենի Եկեղեցին իւրեանց եւ հաւասարութեամբ ծառայել եւ պանել զգաննն հայրենի:)

Սուրբ խաչիւս.


Պանպանիչ.

Դպիրք ասեն.

Թագաւոր երկնաւոր զԵկեղեցի քո անշարժ պանեա, եւ զԵրկրպագուս անուանդ քում, պանեա՛ ի խաղաղութեան:

Օրհնեալք եղերուք:





Printed in Antilyas (Lebanon)